

SAMOA

**TULAFONO FAATONUTONU O LAFOGA
TOTOGI I MALAE VAALELE A PASESE
FAAVA O MALO 2010**

Faatulagaina o Aiaiga

- | | |
|--|-----------------------------------|
| 1. Igoa puupuu ma le amataga | 4. Lafoga Totogi |
| 2. Faamatalaina o uiga o upu | 5. Tuusaunoaga o Lafoga
Totogi |
| 3. Lafoga Totogi i Malae
Vaalele a Pasese Faava o
Malo | 6. Soloia |

E TUSA AI o fuaiupu 37 ma le 126 o le Tulafono o Vaalele Sivili 1998, **O AU, TUI ATUA TUPUA TAMASESE EFI**, o Le Ao o le Malo, i le faia i luga o le fautuaga a le Kapeneta, **UA OU FAIA AI** nei Tulafono Faatonutonu e faapea:

FAIA i lenei aso 26 o Fepuari 2010.

sainia: (Tui Atua Tupua Tamasese Efi)
OLE AO O LE MALO

TULAFONO FAATONUTONU

1. Igoa puupuu ma le amataga-(1) E mafai ona taua nei Tulafono Faatonutonu o Tulafono Faatonutonu o Lafoga Totogi i Malae Vaalele a Pasese Faava o Malo 2010.

(2) O nei Tulafono Faatonutonu e amata faamamaluina i le aso e faia ai e Le Ao o le Malo.

2. Faamatalaina o uiga o upu - I totonu o nei tulafono faatonutonu, ae vagana ai e manaomia e le mataupu se isi uiga e ese ai:

- “Tulafono” o lona uiga o le Tulafono o Vaalele Sivili 1998;
- “Pulega o Malae Vaalele” o lona uiga o le Pulega o Malae Vaalele ua faavaeina i lalo o le Tulafono o le Pulega o Malae Vaalele 1984;
- “Pule” o lona uiga o le Pule o Vaalele Sivili ua tofia i lalo o le Tulafono o le Pulega o Malae Vaalele 1984 ;
- “Pasese” o lona uiga o se tagata ua tuua Samoa i luga o se vaalele;
- “Pasese e uia Samoa” o lona uiga o se tagata o ia lea ua taunuu i Samoa i luga o se vaalele ma a o faagasolo ma faaauau pea lana faigamalaga i se isi atunuu o lo o faamoemoe e faataunuu i ai.

3. Lafoga Totogi i Malae Vaalele a Pasese Faava o Malo - I le noatia ma le fai fuafua i le tulafono faatonutonu 5, o pasese uma e tuua se malae vaalele o lo o faagaoioia po o o lo o pulea e le Pulega o le Malae Vaalele e ao ona totogiina se lafoga totogi i malae vaalele mo pasese faava o malo e \$40.00.

4. Lafoga Totogi - O lafoga totogi i le malae vaalele a le pasese faava o malo e tatau ona totogiina atu i ni nofoaga ma i le faiga ua faamaonia e le Pule.

5. Tuusaunoaga o Lafoga Totogi - O le totogiina o le lafoga totogi i malae vaalele mo pasese faava o malo ua tuusaunoa mo:

- (a) Le Ao o le Malo;
- (b) tamaiti e i lalo o le 12 o latou tausaga;
- (c) pasese e uia Samoa o lo o i ai i totonu o Samoa mo se umi e itiiti ifo na i lo le luasefulu ma le fa (24) itula;
- (d) so o se isi lava pasese ua tuusaunoa mai le totogiina o le lafoga totogi i malae vaalele mo pasese faava o malo i lalo o so o se isi Tulafono;
- (e) o se isi lava pasese po o se vasega o pasese e pei ona mafai ona faamaotiina i se faiga tusitusia e le Minisita.

6. Soloia - Ua soloia nei le Tulafono Faatonutonu o Tupe Totogi a Tagata Pasese i Vaalele Sivili Faava o Malo 1999.

Tuuina atu i lalo o le pule faataga a le Tulafono o Tulafono Faatonutonu 1953.

Aso e amata faamamaluina ai: O nei Tulafono Faatonutonu e amata faamamaluina i le aso e faia ai e Le Ao o le Malo.

O nei Tulafono Faatonutonu o lo o faafoeina e le Matagaluega o Galuega, Felauaiga ma Atinae Eseeese.

O ata o nei Tulafono Faatonutonu o lo o mafai ona faatauina atu, mai le Ofisa o le Failautusi o le Fono Aoaofaitulafono.

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**